

## बाला ल्या दे रे संजीवन

थारो राम बिलखै  
थारी बाट निरखै  
भाई लाडलो जमीन ऊपर सोय रयो  
बाला ल्या दे रे संजीवन,मनडो रोय रयो

नाही कोई दिन देख्यो  
देखि नाही रात नै  
बन बन सागे डोल्यो  
आंधी बरसात में  
म्हारे कालजे रो कोर सुध खोय रयो  
बाला ल्या दे रे संजीवन,मनडो रोय रयो

रघुकुल री आन ताई  
लड़यो मेघनाथ स्यूं  
जुल्मी ने शक्ति मारी  
धोके और घात  
रात बीत्यो जावै,इब तो भोर होय रयो  
बाला ल्या दे रे संजीवन,मनडो रोय रयो

थारे सिवा बाला किनै दुःखडो सुनाऊ में  
दुनियां ने हर्ष कैयां मुखडो दिखाओ में  
म्हारी लाज थारे हाथां माहि सौप रयो  
बाला ल्या दे रे संजीवन,मनडो रोय रयो

थारो राम बिलखै  
थारी बाट निरखै  
भाई लाडलो जमीन ऊपर सोय रयो  
बाला ल्या दे रे संजीवन,मनडो रोय रयो

संपर्क - +919831258090

स्वर : [सौरभ मधुकर](#)

<https://bhajanganga.com/bhajan/lyrics/id/887/title/bala-lya-de-re-sanjeevan-hanuman-bhajan-hindi-lyrics>

अपने Android मोबाइल पर [BhajanGanga](#) App डाउनलोड करें और भजनों का आनंद ले |